

STATUTI
I SHOQERISE TREGTARE
"MATRIX" SH.P.K.

Sot më datë 15/04/2024 në Tiranë ishte prezent personalisht ortaku themelues:

Z. Neraida Taushani shtetase shqipëtare, lindur ne Shijak, Durrës me 14.07. 1983, dhe banuese në Rr "Osman Myderrizi",Tiranë, person madhor me zotësi të plotë juridike e për të vepruar, identifikuar nga karta e identitetit me nr. I35714060Q.

Ka vendosur të themelojë shoqërinë "Matrix" Sh.p.k dhe ka vendosur te miratoje dhe të nënshkruajë statutin e shoqërisë në përputhje me ligjin e ri që rregullon organizimin e shoqërive tregtare me terma si me poshtë:

I. DISPOZITA TE PERGJITHSHME


Shoqëria Tregtare "Matrix" Sh.p.k. rregullon pozitën e saj juridike, marrëdhëniet e themeluesve, të organeve të saj, llojin e Shoqërisë, kohëzgjatjen e veprimtarisë së saj, marrëdhëniet me të punësuarit, duke u bazuar **në ligjin Nr. 9901, date 14.04.2008 i ndryshuar** "Per Tregtarët dhe Shoqëritë Tregtare" dhe dispozitat e tjera të legjislacionit shqiptar në fuqi që rregullojne marrëdhëniet e Shoqërive Tregtare.

NENI 1

Objekti i veprimtarisë

Objekti i Veprimtarisë së Shoqërisë do të jetë por duke mos u kufizuar në:

- Kryerja e konsulences ligjore ne fusha te ndryshme te se drejtes si dhe cdo veprimtari tjeter te natyres financiare e tregtare per permbushjen e aktivitetit te shoqerise, ne perputhje me Ligjin Shqiptar.
- Konsulence financiare, ne menaxhim dhe organizim, zhvillim biznesi. Asistence ne ceshtje ligjore dhe administrative,ne marrredhenie me administraten publike me qellim kerkimin dhe leshimin e vertetimeve,dokumentave,lejeve,licensave,autorizimeve,koncesioneve dhe akteve te tjera te nevojshme, si dhe sherbime ne lehtesimin e logjistikes per ushtrimin e aktivitetit te te asistuarve, etj.
- Funkionim si shoqeri one stop shop duke ofruar asistence ne aktivitetin e perditshem te shoqerive, blerje shitje dhe qera te pasurive te patundshme, cdo veprimtari te lejuar nga ligji dhe/ose pjesemarrjen ne cdo aktivitet te ligjshemqe mund te kryeje nje shoqeri me pergjegjesi te kufizuar, e krijuar ne baze te legjislacionit shqiptar, mund te ndryshohet her pas here.
- Shoqeria mund te kete pjesemarrje ne shoqeri te tjera. Organizim eventesh biznesi, konferenca, axhende takimesh, sherime ne kerkim dhe studim tregu,



- sherbim kontabiliteti, sherbime marketingu, sherbime topografike dhe gjeodezike, projektimi, ndertime civile dhe industriale.
- Shitje-blerje materiale ndertimi, import-export. Supervizim punimesh ne ndertim, menaxhim dhe drejtim i aktivitetit te shoqerive te tjera.
 - Shoqeria ka per objekt paresor te saj ofrimin e konsulences, kryesisht ligjore, nepermjet keshillimit ligjor per çeshtje te ndryshme, pergatitjes se kerkese proaktivite ose te kerkeseve gjate procedimit civil, dhe administrativ, penal si dhe te kerkeseve ankimore, rekurseve kunder vendimeve gjyqesore, arbitrazhit ose te organeve te Administrates Publike; pergatitjes se ankesave dhe kerkeseve te personave fizik apo shoqerive te ndryshme tregtare vendase dhe te huaja, perpilimit te akteve qe i nenshtrohen veprimtarive noteriale, hartimit te kontratave e te marreveshjeve, si dhe te çdo dokumenti tjetër qe sjell ose synon te sjelle pasoja juridike;
 - Keshillimit e asistences ligjore, perpilimit te akteve, krijimin, regjistrimin e shoqerive tregtare ose personave te tjere juridike, asistences ligjore ne vazhdimësi te aktivitetit te tyre si dhe marredheniet e tyre me personat fizike dhe juridik per 2 arritjen e marreveshjeve tregtare si brenda dhe jashte vendit.
 - Shoqeria mund te ofroje edhe konsulenca te tjera te cilat ndihmojne objektin me siper.
 - Shoqeria mund te ofroje cdo sherbim konsulence, pa kufizim, qe ka te beje me njohjen apo zbatimin apo hartimin e ligjit. Shoqeria mund te kryeje edhe aktivitetet qe kane te bejne me hartimin, zbatimin, krijimin dhe asistencen te çdo produkti te lidhur me fushen juridike dhe akademike, botime te çdo lloji, si per vete shoqerine, ashtu edhe per te trete, dhe per zhvillim e aktiviteteteve tregtare, industriale te çdo lloji, blerjen, shitjen, shkembimin, qiramarrjen, menaxhimin, administrimin e pronave te veta te luajtshme e te paluajtshme, e te te treteve, si dhe zhvillimin e te gjitha aktiviteteteve te lidhura ne menyre direkte ose indirekte me aktivitetin e pronave te veta ne pergjithesi.
 - Shoqeria mund te kryeje edhe aktivitetet per llogari te te treteve, lidhur me aktivitetet me siper.
 - Shoqeria do te mund te bleje, jo ne kuader te aktivitetit te saj paresor, pjesemarrje aksionare apo jo aksionare ne shoqeri te tjera, ente, konsortiume, te themeluara apo ne themelim, te cilat kane objekt te ngjashem apo sidoqofte te nderlidhur apo plotesues te objektit te saj, apo sidoqofte ne funksion te arritjes se qellimeve te shoqerise.
 - Shoqeria, per efekt te realizimit te objektit te saj, gjithashtu, do te mund te zhvilloje aktivitetet ndertimi, shitblerjeje dhe menaxhimi te pasurive te paluajtshme.
 - Shoqeria do te mund te kryeje çdo veprim qe ka te beje me pasurine e luajtshme, te paluajtshme apo financiare qe kane lidhje me objektin e shoqerise, perfshire ketu, por pa u limituar ne te, nenshkrimin e marrjes se kredive me institucione te autorizuar nga ligji si dhe me shoqeri dhe ndermarrje private. Me ne pergjithesi, shoqeria do te mund te kryeje cdo aktivitet te nevojshem apo te dobishem per permbushjen e qellimeve te shoqerise.
 - Shoqeria nuk mund te zhvilloje aktivitetet te qe shkel ligjin shqiptar ne fuqi

- Ndërtime, rikonstruksione, projektme te ndryshme dhe mirembajtje të gjitha fushave dhe të gjitha llojeve, veprimtari industriale dhe tregtare, investime dhe financime në të gjitha fushat, veprimtari importi eksporti, konsulence dhe ndërmjetësime të të gjitha llojeve, veprimtari transportuese, marrje dhe dhënie me qera të pasurive dhe objekteve të ndryshme, veprimtari studimore projektuese dhe supervizioni të ndryshme.
- Veprimtari ndërtimore, rikonstruksione dhe mirembajtje në fushën e ndërtimit, përfshirë ndërtime civile, rrugë ura, porte, vepra arti, tunele, ndërtime ushtarake, aeroporte, ndërtime industriale, objekte kulturi, kulturore, sportive, spitale, hotele, banesa, ndërtime hidroteknike dhe turistike, kampingje, parqe rekreative, shtëpi pushimi, palestra, kënde sportive etj. Veprimtari prodhuese të materialeve të ndërtimit, paisje dhe të makinerive, përfshirë prodhimin e inerteve, rërë, zhavor, konglomerate bituminoze, parafabrikate, konstruksione ndërtimore betonarme, druri metalike, llaç e betone te markave të ndryshme, prodhime gurë gelqere e çakull.
- Veprimtari transportuese ku përfshihet transporti nacional internacional i mallrave dhe i njerzve për vete dhe të tretë, për import eksport. Ushtrimi i veprimtarise ne fushen turistike, hapje te agjensive turistike te udhetime per transportin tokesor, detar dhe ajror.
- Veprimtari ne fushen e kembimit valutor dhe argjendari.
- Tregtim i te gjitha llojeve te pajisjeve elektronike dhe ato informatike. Import-Eksport, tregtimi me shumice dhe pakice te artikujve te ndryshem te pajisjeve elektronike. Projektim, zbatime, kolaudime, supervizione ne fushat elektronike. Projektim, implementim, mirembajtje dhe administrim te platformave Software, Hardware dhe te pajisjeve te sigurise. Riparime te pjeseve te pajisjeve elektronike. Hartim projektesh, dhenie asistence teknike, tregtim te materialeve dhe imputeve te ndryshme te pajisjeve elektronike. Instalim sistemesh te ndryshme elektronike.
- Veprimtari eksportuese dhe importuese, ku përfshihet eksporti i lendeve të para dhe i mallrave të përpunuara, si dhe importimi i të gjitha llojeve të mallrave dhe materialeve. Veprimtari tregtare, përfshirë tregtimin me shumicë dhe pakicë të mallrave ushqimore dhe industriale, ndërtimore, elektrike, elektronike bujqësore blektorale, tekstile, hidrosanitare, makineri dhe aparatura, pasuri të luajtshme dhe të paluajtshme. Veprimtari komisionere, konsulencë në fusha të ndryshme, ndërmjetësime, koperime, përfaqësime dhe tranzitime, shërbime të llojeve të ndryshme. Veprimtari studimore dhe projektuese në fusha të ndryshme të ekonomise, ndërtimore, mekanike, elektrike etj. Veprimtari investuese dhe financuese ku shoqëria do të përdorë për këtë qëllim fonde të saj si dhe fonde të institucioneve financiare dhe bankare vendase dhe të huaja, private dhe publike. Marrje dhe dhënie me qira objekte dhe mjete, paisje dhe zyra, ambiente te ndryshme, pasuri të luajshme dhe të paluajtshme. Veprimtari te ndryshme agrare dhe blektorale.

- Gjithashtu, për të realizuar objektivat e saj, shoqëria mund të ndermarre e të zhvillojë edhe çdo lloj aktiviteti tjetër të ligjshëm në territorin e Republikës së Shqipërisë dhe që siguron të ardhura dhe fitime të ligjshme.
- Objekti i shoqërisë mund të zgjerohet apo zvogëlohet në varësi të interesave të shoqërisë dhe në bazë të vendimit të asamblesë së përgjithshme të ortakëve.

NENI 2

Emri dhe selia e Shoqërisë

Shoqëria është Person Juridik Privat.

Shoqëria do të paraqitet në qarkullim me emërtimin e saj "Matrix" Sh.p.k.

Selia e Shoqërisë ndodhet në adresën Rr e "Abdyl Frasheri" Hyrja 1, Kati 2, Tiranë, Shqipëri.

NENI 3

Kohëzgjatja e Shoqërisë

Afati kohor i zhvillimit të aktivitetit është i pakufizuar dhe ka filluar me regjistrimin e shoqërisë në Regjistrin Tregtar. Ortakët e Shoqërisë mund të vendosin kufizimin e afatit të veprimtarisë dhe me pas zgjatjen e saj një apo disa here, sipas një vendimi të posaçëm.

NENI 4

Regjimi Juridik i Shoqërisë

Shoqëria është një shoqëri me përgjegjësi të kufizuar (Sh.p.k.).

Veprimtaria e saj i nënshtrohet dispozitave të Aktit së Themelimit, Statutit si dhe dispozitave të legjislacionit tregtar e atij civil në fuqi.


Me vendim të Asamblesë së Përgjithshme, Shoqëria mundet që të ndryshojë regjimin juridik të saj në përputhje me dispozitat ligjore që do të jenë në fuqi si dhe në përputhje të plotë me dispozitat e Aktit të Themelimit dhe të Statutit të saj, duke bërë edhe përshtatjen e tyre sipas ndryshimeve përkatëse.

Shoqëria gëzon personalitet juridik nga data e rregjistrimit të saj në Regjistrin Tregtar. Shoqëria ka vulën e saj.

II. TE DREJTAT DHE DETYRAT E ORTAKEVE

NENI 5

Përgjegjësia e Ortakëve



Kapitali i shoqërisë është në vlerën 100.000 (njëqind mijë) lek, i ndarë në 1 (një) kuotë me vlerë nominale të një kuote prej 100.000 (njëqind mijë) lek.

Znj. Neraida Taushani zotëron 1 kuotë të kapitalit themeltar, pra 100 % të tij në vlerën 100.000 (njëqind mijë) lek.

Kapitali themeltar është investuar nga ortaku në total.

NENI 8

Pronësia mbi kuotat

Kuotat e kapitalit dhe të drejtat që rrjedhin prej tyre fitohen ose kalohen, nëpërmjet:

- kontributit në kapitalin e shoqërisë;
- shit-blerjes;
- trashëgimise;
- dhurimit;
- në çdo mënyrë tjetër të parashikuar në ligj.

NENI 9

Fitimi ose transferimi i kuotave

Pavarësisht nga mënyra e fitimit apo kalimit të kuotave, është i nevojshëm miratimi i Asamblesë së Përgjithshme të Ortakëve. Në çdo rast, ortakët e shoqërisë gëzojnë të drejtën e parablerjes.

Transferimet e kapitalit themeltar duhet të vërtetohen sipas ligjit, ndryshe janë të pavlefshme.

NENI 10

Zmadhimi dhe zvogëlimi i kapitalit

Kapitali themeltar mund të zmadhohet ose të zvogëlohet nga Asambleja e Përgjithshme.

Zmadhimi i kapitalit mund të vendoset kur e kërkojnë interesat e Shoqërisë duke vendosur kuotat suplementare të Ortakëve.

Asambleja e Përgjithshme, vendos për zvogëlimin e kapitalit të Shoqërisë. Zvogëlimi i kapitalit nuk duhet të dëmtojë kreditorët e as të krijojë pasiguri tek ata që kanë dhënë kredi para publikimit të zvogëlimin të kapitalit.

NENI 11

Fondet rezerve

Shoqëria krijon fondin rezervë dhe fonde të tjera financimi për të përballuar nevojat e saj ekonomike. Ajo disponon lirisht mjetet e veta financiare për shlyerjen e detyrimeve gjate veprimtarisë së saj.



NENI 12

Përdorimi i të ardhurave neto

E ardhura **neto** që rezulton mbasi zbriten shpenzimet e bëra për kryerjen e **cdo** lloji aktiviteti **nga** zbritja e vlerës së amortizimit, nga tatimet dhe taksat, nga **kuotat** që rritin **kreditin** për investime, pagat e shpërblimet, përdorët nga Ortakët, sipas qellimeve të tyre.

NENI 13

Bilanci

Pasuria e **Shoqërisë** vlerësohet në bilancet e saj në monedhë të vendit ose në monedhë të huaj sipas vlerësimit të Ortakëve ose ekspertëve në momentin e **Themelimit të Shoqërisë**.

Bilanci vjetor paraqitet brenda dates 31 Mars të vitit pasardhës.

Forma e **bilancit** përcaktohet nga Administratori në harmoni me format e **bilanceve** të vendosura në Republikën e Shqipërisë.

NENI 14

Plani financiar

Plani financiar parashikon aktivin e pasivin e aktivitetit ekonomik të **Shoqërisë**, të shprehur në lekë ose valutë të konvertueshme. Llogaria ekonomike do të **mbahet** në Shqipëri.

Shkëmbimi i monedhës shqiptare me ate të huaj dhe anasjelltas bëhet sipas **kursit** zyrtar ose privat të këmbimit.

NENI 15

Shpërndarja e fitimeve

Ortakët kane të drejtë të ndajnë pjesën e fitimit të deklaruar në pasqyrat **financiare** të shoqërisë.

Fitimi u shpërndahet ortakëve në raport me **kuotat** e zotëruara.


NENI 16

Kufizimi i shpërndarjeve të fitimeve

Shoqëria do të shpërndajë fitimet ortakëve në cdo fund të vitit financiar, pas miratimit të bilancit nga Asambleja e Ortakëve, vetëm nëse pas pagimit të dividendit:

- a) aktivet e shoqërisë mbulojnë tërësisht detyrimet e saj;
- b) shoqëria ka aktive likuide të mjaftueshme për të shlyer detyrimet që bëhen të kërkueshme brenda 12 muajve në vazhdim.

Administratori / Administratorët lëshojnë një certifikatë të aftësisë paguese, e cila konfirmon shprehimisht se shpërndarja e propozuar e dividendëve përmbush kërkesat e mësipërme.



Kur gjendja e shoqërisë tregon se shpërndarja e propozuar e dividendëve nuk i përmbush këto kritere, administratorët nuk mund ta lëshojnë këtë certifikatë. Administratorët përgjigjen ndaj shoqërisë për vërtetësinë e certifikatës së aftësisë paguese.

Administratori, të cilët nga pakujdesia lëshojnë një certifikatë të pasaktë të aftësisë paguese, përgjigjen personalisht përpara shoqërisë për kthimin e dividendëve të shpërndarë.

Ortakët, që kanë marrë nga shoqëria dividendë, përgjigjen personalisht ndaj shoqërisë për kthimin e dividendëve, që u janë shpërndarë kur nuk është lëshuar certifikata e aftësisë paguese, ose kur pavarësisht lëshimit të certifikatës, këta ortakë kanë pasur dijeni për gjendjen e aftësisë paguese të shoqërisë, ose në bazë të rrethanave të qarta nuk mund të mos kishin pasur dijeni për këtë gjendje.

IV. ORGANET E SHOQERISE

NENI 17

Asambleja e Përgjithshme


Organi themelor i shoqërisë është Asambleja e Përgjithshme.

Asambleja e Përgjithshme merr vendime për:

1. përcaktimin e politikave tregtare të shoqërisë;
2. ndryshimet e statutit;
3. emërimin e shkarkimin e administratorëve;
4. emërimin e shkarkimin e likuiduesve dhe të ekspertëve kontabël të autorizuar;
5. përcaktimin e shpërblimeve për administratorët, likuiduesit dhe ekspertët kontabël të autorizuar.
6. mbikeqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
7. miratimin e pasqyrave financiare vjetore dhe të raporteve të ecurisë së veprimtarisë;
8. zmadhimin dhe zvogëllimin e kapitalit;
9. pjesëtimin e kuotave dhe anulimin e tyre;
10. përfaqesimin e shoqërisë në gjykatë dhe në procedimet e tjera ndaj administratorëve;
11. riorganizimin dhe prishjen e shoqërisë;
12. miratimin e rregullave procedurale të mbledhjeve të asamblesë;
13. çeshtje të tjera të parashikuara nga ligji apo statuti.

NENI 18

Mbledhja e Asamblese se Përgjithshme



Asambleja e Pergjithshme mblidhet sa here që mbledhja është e nevojshme për të mbrojtur interesat e shoqërisë.

Mbledhja e asamblesë së pergjithshme thirret të paktën një here në vit. Asambleja e pergjithshme thirret nga administratorët apo ortakët të cilët përfaqësojnë të paktën 5% te totalit të votave në asamblenë e pergjithshme të shoqërisë.

Asambleja e pergjithshme thirret nëse:

- sipas bilancit vjetor apo raporteve të ndërmjetme financiare, rezultoni ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
- shoqëria propozon të shesë apo të disponojë në mënyrë tjetër aktive, të cilat kanë një vlerë me të lartë se 5 per qind të aseteve të shoqërisë, që rezultoni në pasqyrat e fundit financiare të certifikuara.
- shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë me të lartë se 5 per qind të aseteve të shoqërisë, që rezultoni në pasqyrat e fundit financiare të certifikuara.

NENI 19

Thirrja e Asamblesë së Pergjithshme

Asambleja e pergjithshme thirret nëpërmjet një njoftimi me shkresë ose, me një oftim nëpërmjet postës elektronike.

Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 15 ditë përpara dates së parashikuar për mbledhjen e asamblesë.


Kur asambleja e pergjithshme nuk është thirrur si me sipër, ajo mund të marrë vendime të vlefshme vetëm nëse të gjithë ortakët janë dakord, për të marrë vendime, pavarësisht parregullsise.

NENI 20

Kuorumi i nevojshëm dhe vendim-marrja

Ne rastin e marrjes së vendimeve, që kërkojnë një shumicë të zakonshme, asambleja e pergjithshme mund të marrë vendime të vlefshme vetëm nëse marrin pjesë ortakët me të drejtë vote, që zotërojnë me shumë se 30 per qind të kuotave.

Ne rastin kur asambleja e pergjithshme duhet të vendosë për ceshtje, të cilat kërkojnë shumicë të kualifikuar, ajo mund të marrë vendime të vlefshme vetëm nëse ortakët që zotërojnë me shumë se gjysmen e numrit total të votave janë të pranishëm personalisht, votojnë me shkresë, apo mjete elektronike. Nëse asambleja e pergjithshme nuk mund të mblidhet për shkak të mungesës së kuorumit të përmendur me sipër, asambleja mblidhet perseri jo më vonë se 30 ditë, me të njëjtin rend dite.



Asambleja e përgjithshme vendos me tre të katertat e votave të ortakëve pjesëmarrës, për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë.

Për çeshtjet e tjera, asambleja e përgjithshme vendos me shumicën e votave të ortakëve pjesëmarrës.

Çdo kuotë jep të drejtën e një vote.

Ortakët, që nuk janë të pranishëm, mundësinë e pjesëmarrjes në mbledhjen e asamblesë së përgjithshme me mjete të ndryshme komunikimi, përfshirë mjetet elektronike, me kusht që të garantohet identifikimi i ortakëve.

Ortaku, që pengohet të ushtrojë të drejtat që i rrjedhin nga zotërimi i kuotës së shoqërisë, ka të drejtë t'i kërkojë gjykatës të urdherojë ndalimin e cenimit apo shpërbllimin e dëmit të shkaktuar, si pasoje e cenimit të këtyre të drejtave.

NENI 21

Procesverbali i mbledhjes së asamblesë

Të gjitha vendimet e asamblesë së përgjithshme duhet të regjistrohen në procesverbal.

Administratorët përgjigjen për ruajtjen e kopjeve të procesverbaleve të mbledhjes së asamblesë së përgjithshme.

Procesverbali duhet të përmbajë datën e vendin e mbledhjes, rendin e ditës, emrin e kryetarit e të mbajtësit të procesverbalit, rezultatet e votimit. Procesverbalit i bashkëlidhet edhe lista e pjesëmarrësve, si edhe akti i thirrjes së asamblesë së përgjithshme.

Procesverbali i mbledhjes nënshkruhet nga kryetari dhe nga mbajtësi i procesverbalit.

V. ADMINISTRIMI I SHOQËRISE

NENI 22

Administratorët

Asambleja e përgjithshme emëron një ose deri në tre persona fizik si administratorë të shoqërisë.

Afati i emërimit, nuk mund të jetë më i gjatë se 5 vjet, me të drejtë ripërtëritjeje.

Emërimi i administratorëve prodhon efekte pas regjistrimit në Qendren Kombëtare të Regjistrimit.

Administratorët e një shoqërie tregtare mëmë, nuk mund të emërohen si administratorë të një shoqërie të kontrolluar e anasjelltas.

Administratori i Shoqërisë "Matrix" Sh.p.k, është Znj. Neraida Taushani, shtetase shqiptare, lindur në Shijak, Durrës më 14.07.1983, dhe banuese në Rr "Osman Myderrizi", Tiranë, person madhor me zotësi të plotë juridike e për të vepruar, identifikuar nga karta e identitetit me nr. I35714060Q e cila është zgjedhur për një periudhë 5 vjecare 15.04.2024 - 14.04.2029, me të drejtë ripërtëritjeje.

Shoqëria do të përfaqësohet përpara çdo organi administrativ, gjyqësor, apo çdo entiteti tjetër publik apo privat dhe në marrëdhënie me të tretët nga Administratori i shoqërisë, i cili i ushtron të drejtat e tij në përputhje me Statutin e shoqërisë dhe me legjislacionin shqiptar në fuqi.

NENI 23


Të drejtat dhe detyrimet e administratorëve

Administratorët kanë të drejtë e detyrohen të:

1. Kryejnë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
 2. Përfaqesojnë shoqërinë tregtare;
 3. Kujdesen për mbajtjen e saktë e të rregullt të dokumenteve dhe të librave kontabël të shoqërisë;
 4. Pergatisin dhe nënshkruajnë bilancin vjetor, bilancin e konsoliduar dhe raportin e ecuresisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;
 5. Krijojnë një sistem paralajmerimi në kohën e duhur për rrethanat, që kërcënojnë mbarevajtjen e veprimtarisë dhe ekzistencën e shoqërisë;
 6. Kryejnë regjistrimet dhe dërgojnë të dhënat e detyrueshme të shoqërisë, sic parashikohet në ligjin për Qendren Kombëtare të Regjistrimit;
 7. Raportojnë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
 8. Kryejnë detyra të tjera të përcaktuara në ligj dhe në statut.
 9. Therrasin asamblesë e përgjithshme kur shoqëria brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të asetëve të shoqërisë, që rezulton në pasqyrat e fundit financiare të certifikuara dhe kur sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
- Kompetencat, të drejtat dhe detyrimet e Administratorit do të përcaktohen në aktin e emerimit të tij nga Asambleja e Përgjithshme.
- Statuti ose rregulloret e tjera, të miratuara nga asambleja e përgjithshme, mund të parashikojnë ndryshe.
- Asambleja e Përgjithshme mund të shkarkojë administratorin në çdo kohë me shumicë të zakonshme. Statuti apo marrëveshje të tjera nuk mund të perjashtojnë apo kufizojnë këtë të drejtë.

NENI 24

Shpërblimi i administratorëve



Shpërblimit baze të administratoreve mund t'i bëhen shtesa, që mund të jenë perqindje në fitim ose te ngjashme. Shpërblimet e administratorëve percaktohen me vendim të zakonshëm të asamblesë së përgjithshme.

Shpërblimi, duhet të jetë i pershtatshëm dhe në përputhje me detyrat e administratorëve dhe gjendjen financiare të shoqërisë.

Nëse shoqëria është në vështirësi financiare, asambleja e përgjithshme mund të vendosë reduktimin e shpërblimit të administratorëve në masën e pershtatshme. Kriteret e shpërblimit, shpërblimi individual dhe efekti vjetor i shpërblimit të administratorëve në strukturën e kostove të shoqërisë tregtare publikohen së bashku me pasqyrat financiare vjetore.

NENI 25

Ekspertët Kontabël

Shoqëria cakton ekspert kontabël për çdo vit financiar kur jemi përpara rasteve të percaktuara në ligj. Emërimin e tyre e ben Mbledhja e Asamblesë së Përgjithshme. Ekspertet kontabël mbajnë përgjegjësi për mbajtjen e rregullt të të gjithë dokumentacionit të Shoqërisë.

Ata përgjigjen për dëmet që i vijnë Shoqërisë nga mbajtja e parregullt e llogarive ose verifikimi i tyre i gabuar.

Nuk mund të ngarkohen me detyrën e ekspertit, themeluesi, administratori, personat që janë gjini e krushqi me ata deri në shkallën e katërt.

VI. MARREDHENIET E PUNES

NENI 26

Marredheniet e punes

Marredhëniet e punës në Shoqëri rregullohen sipas dispozitave të Aktit të Themelimit, Statutit dhe Legjislacionit Shqiptar të Punës.

Punësimi në Shoqëri realizohet me anë të kontrates individuale të punës midis Shoqërisë e të punësuarve.

NENI 27


Përgjegjësitë e të punësuarve

Të punësuarit dhe punonjësit drejtues administrativ janë përgjegjës për dëmet që i shkaktojnë Shoqërisë për faj të tyre dhe përgjigjen para saj civilisht.

VII. PRISHJA E SHOQERISE. LIKUJDIMI

NENI 28

Prishja e shoqërisë



Kjo Shoqeri do të prishet në rastet kur:

1. merr vendim Asambleja e Pergjithshme;
2. hapen procedurat e falimentimit;
3. nuk ka kryer veprimtari tregtare për dy vjet dhe nuk është njoftuar pezullimi i veprimtarisë në përputhje me piken 3 të nenit 43 të ligjit nr.9723, datë 3.5.2007 "Për Qendrën Kombëtare të Regjistrimit";
4. merret një vendim gjykatë.

Prishja e shoqërisë regjistrohet në Regjistrin Tregtar pranë Qendrës Kombëtare të Regjistrimit nga Administratorët.

NENI 29

Likuidimi i shoqërisë

Prishja e shoqërive tregtare ka si pasojë hapjen e procedurave të likuidimit në gjendjen e aftësisë pague, me përjashtim të rasteve kur është nisur një procedurë falimentimi. Likuidimi kryhet nga likuiduesit e emëruar nga asambleja e pergjithshme. Nëse asambleja e pergjithshme nuk merr një vendim për emërimin e likuiduesve, brenda 30 ditëve pas prishjes, çdo person i interesuar mund t'i drejtohet gjykatës, për të caktuar një likuidues.

Çdo person i interesuar, ka të drejtë t'i kërkojë gjykatës zëvendësimin e likuiduesit, sipas vendimit të ortakeve, nëse paraqet arsye të mjaftueshme për të dyshuar se likuidimi i rregullt i shoqërisë mund të cenohet nga likuiduesit e emëruar si me sipër. Kërkesa duhet të depozitohet në gjykatë brenda 30 ditëve nga data e caktimit të likuiduesit.

Gjykata emëron likuiduesin, në rastet kur shoqëria tregtare prishet me vendim gjykatë. Likuiduesit shkarkohen dhe zëvendësohen me të njëjtat kushte, të parashikuara në dispozitat për emërimin e tyre.

Administratorët e shoqërisë i njoftojnë për regjistrim, Qendrës Kombëtare të Regjistrimit të dhënat e likuiduesve të parë dhe tagrat e tyre, për të përfaqësuar shoqërinë, së bashku me dokumentet përkatëse. Likuiduesit depozitojnë nënshkrimin e tyre.


Likuiduesit i njoftojnë, gjithashtu, Qendrës Kombëtare të Regjistrimit për regjistrim çdo ndryshim për identitetin dhe tagrat e tyre të përfaqësimit. Emërimi i likuiduesve nga gjykata regjistrohet ex officio, sipas nenit 45 të ligjit nr. 9723, datë 3.5.2007 "Për Qendrën Kombëtare të Regjistrimit". Me hapjen e procedurave të likuidimit, emri i regjistruar i shoqërisë aksionare ndiqet nga shënimi "në likuidim".

Likuiduesit duhet të ftojnë kreditorët e shoqërisë për të depozituar pretendimet e tyre për prishjen e saj. Likuiduesi merr përsipër të drejtat dhe detyrimet e administratorëve nga data e emërimit të tij.

NENI 30

Të drejtat e detyrimet e likuiduesit

Detyra e likuiduesve është mbyllja e të gjitha veprimeve të shoqërisë, mbledhja e kredive të paarkëtuara dhe e kontributeve të pashlyera, shitja e pasurive të



shoqërisë dhe shlyerja e kreditorëve duke respektuar radhën e referimit, sipas nenit 605 të Kodit Civil.

Likuiduesi mund të kryejë edhe veprime të reja tregtare, për mbylljen e një veprimi të paperfunduar. Nëse, në bazë të padive të ngritura nga kreditorët, likuiduesit vërehen se pasuria e shoqërisë tregtare, përfshirë kontributet e pashlyera, nuk është e mjaftueshme për pagesën e këtyre pretendimeve, likuiduesit detyrohen të pezullojnë procedurën e likuidimit e t'i kërkojnë gjykatës përkatëse nisjen e procedurave të falimentimit.

NENI 31

Bilancet

Likuiduesi përgatit një bilanc të gjendjes së shoqërisë në çastin e hapjes së likuidimit dhe një bilanc përfundimtar në çastin e mbylljes së këtyre procedurave. Nëse procedura e likuidimit zgjat më shumë se një vit, likuiduesi përgatit, gjithashtu, pasqyrat financiare vjetore të shoqërisë. Bilancet miratohen nga Asambleja e Përgjithshme.

NENI 32

Shpërndarja e aktiveve

Pas shlyerjes së detyrimeve ndaj kreditorëve, likuiduesi u shpërndan ortakëve apo aksionarëve aktivet e mbetura, sipas të drejtave që ata kanë në ndarjen e fitimeve, me përjashtim të rastit kur statuti parashikon radhë preference.

Pasuritë, që i janë dhënë shoqërisë me qira apo në përdorim, me çfarëdo titulli u kthehen ortakëve apo aksionarëve.

Pas shpërndarjes së aktiveve të mbetura, likuiduesi e njofton Qendren Kombëtare të Regjistrimit për përfundimin e likuidimit dhe kërkon cregjistrimin e shoqërisë.

VIII. DISPOZITA TË FUNDIT

NENI 33

Ky Statut hyn në fuqi pas miratimit dhe regjistrimit të Shoqërisë në regjistrin tregtar pranë Qendres Kombëtare të Regjistrimit.

NENI 34

Gjithçka nuk është parashikuar shprehimisht në këtë Statut do të rregullohet nga legjislacioni tregtar dhe ligje të tjera të lidhura me të në fuqi në Republikën e Shqipërisë.

ORTAKU

Neraida Taushani

